

明初都督寧正父子傳記輯補

陳學霖*

摘要

本文以《明太祖實錄》附傳為底本，鉤勒《實錄》其他資料及有關記載，對明初都督寧正及其子寧忠的傳記作一補訂。寧正為朱元璋麾下元帥韋德成義子，因冒其姓，義父歿後襲職，屢以征戰北元、西番建功，擢陝西都指揮使，洪武9年詔復原姓寧氏，此後鎮守四川雲南，降服諸蠻之亂，授右軍都督府左都督，28年卒。寧正雖然有昭彰的軍功，在明史的地位並不顯著，主要是記載欠周，但經過鉤稽《實錄》的史料，和以倖存的俞本《紀事錄》補缺，其宦業和功勳便呈現出來。正子寧忠亦任軍職，父卒為前軍都督府都督僉事，建文帝繼位後隸屬長興侯耿炳文麾下，燕王「靖難」兵起隨炳文鎮守真定殉難，為「遜國」功臣。寧忠事蹟官史記載少，幸而嘉靖、崇禎編纂的遜國功臣傳記匯編錄其行實，不致湮沒無聞。

關鍵詞：寧正 (Ning Cheng)、寧忠 (Ning Chung)、《明太祖實錄》
(*Ming Tai-tsu shih-lu*)、俞本 (Yu Pen)、《紀事錄》
(*Chin-Shih lu*)

引言

自從明太祖朱元璋開國，恢復中華統治，內則專擅皇權，立綱陳紀，撫恤黎民，外則南征北伐，鼎定方夏，經略邊陲，擴張帝國版圖，重振漢族神器聲威。洪武改元未幾，即派遣名將如徐達(魏國公，1332-85)、常遇春(鄂國

* 作者係香港中文大學歷史系教授。

公，1330-96)、李文忠(曹國公，1339-84)、鄧愈(衛國公，1337-77)、馮勝(早名國勝、又稱宗異—宋國公，1330?-95)、傅友德(穎國公，1394卒)、沐英(西平侯，1345-92)等率師北討蒙元，西征吐蕃西番，隨而進軍西南，降服諸蠻夷民族，功勳彪炳，成績輝煌。不過就事而言，此輩統帥又頗倚賴中下將官之領導軍兵，摧堅陷陣，甘冒矢石，出生入死，然後勝利可期，因此其勳績宜應著於史冊。今以明初開拓邊陲而言，其一戰功輝煌者乃本文表彰之都督寧正(韋正)，事蹟見清修《明史》〈本傳〉：

寧正，字正卿，壽州人。幼爲韋德成養子，冒韋姓。元末，隨德成來歸，從渡江。德成戰歿宣州，以正領其眾，積功授鳳翔衛指揮副使。從定中原，入元都，招降元將士八千餘人。傅友德自真定略平定州，以正守真定。已，從大軍取陝西。馮勝克臨洮，留正守之。大軍圍慶陽，正駐邠州，絕敵聲援。慶陽下，還守臨洮。從鄧愈破定西，克河州。洪武三年，授河州衛指揮使。上言：「西民轉粟餉軍甚勞，而茶、布可易粟，請以茶、布給軍，令自相貿易，省輓運之苦。」詔從之。正初至衛，城邑空虛，勤於勞徠。不數年，河州遂爲樂土。璽書嘉勞，始復寧姓。兼領寧夏衛事，修築漢、唐舊渠，引河水溉田，開屯數萬頃，兵食饒足。十三年，從沐英北征，擒元平章脫火赤，知院愛足，取全寧四部。十五年，遷四川都指揮使，討平松、茂諸州。雲南初定，命正與馮誠共守之。思倫發作亂，正破之於摩沙勒寨，斬首千五百。已，敵眾大集，圍定邊。沐英分兵三隊，正將左軍，鏖戰，大敗之，語在〈英傳〉。土酋阿資叛，復從英討降之。英卒，詔授正左都督代鎮。已，復命爲平羌將軍，總川、陝兵討平階、文叛寇張者。二十八年，從秦王討平洮州番，還京。明年卒。¹

從上可見寧正出身寒微，幼年爲元帥韋德成養子，因冒姓韋，及長以父蔭從軍，隨朱元璋征戰，開國時已膺指揮副使。洪武改元之後，數從大將徐達、常遇春、馮勝、傅友德、鄧愈等討伐北元、略定西番，又隨鄧愈、沐英翦除蒙古餘將、討平松潘、東川諸蠻，而從征之餘復鎮守陝西、寧夏、四川諸都指揮司，開墾荒壤、經營生計，平定叛亂頗著勳績，洵爲國初一名將功臣。

1 張廷玉等纂修：《明史》卷 134，(北京：中華書局，1974)，頁 3905-6。寧正其他傳記資料見國立中央圖書館編：《明人傳記資料索引》上冊(臺北：國立中央圖書館，1966)，頁 630。所列資料除《明史》〈本傳〉外另有焦竑纂：《國朝徵獻錄》卷 106(臺北：臺灣學生書局影印明刻本，1965)，頁 1 上-3 下附〈實錄〉〈本傳〉，及徐乾學編輯：《明史列傳》卷 17，頁 636-8。後者收入周駿富輯：《明人傳記資料叢刊》第 89 冊(臺北：明文書局，1991)。

《明史》述傳係採錄《明太祖實錄》洪武29年(1396)3月書寧正卒所附行實。從草稿至定本，傳記內容一致，但文字則略有刪節，如徐乾學(1631-94)輯《明史列傳》，本傳開端於「冒韋姓」下有「沈鷲有膽略」，而於「德成戰歿」下增「贈中翼副元帥、京兆郡侯」，今本皆刪除。由於體例限制《明史》〈本傳〉僅作概述，詳細事蹟，則須鉤稽《實錄》及有關編年資料。²官史而外，寧正生平又可見明初俞本(1331-1402後)所撰之《紀事錄》(一稱《皇明紀事錄》)有關記載。《紀事錄》為記述元末群雄起義至洪武末年之私撰編年史，作者以「騎士」身份從征諸役，描述數十年之親歷聞見，深具歷史價值。錢謙益(1582-1644)編纂《開國群雄事略》(今稱《國初群雄事略》)，即以其書為基本史料，可惜錢氏藏書連同草成之明史稿，不幸於順治七年(1650)燬於絳雲樓書閣之火，而後世咸以為《紀事錄》已亡，皆採用牧齋摘引資料。³實則，據筆者寓目，是書猶存，現今藏於臺北國家(前國立中央)圖書館，題名「《明興野記》，俞本撰、張大同編次」一書即俞氏之《紀事錄》。俞本隸屬都督韋正(洪武9年〔1376〕後復姓寧氏)征戰多年，因此記敘其行實贍富親切，與官史不相侔。⁴今人論明初開國史事多誤以《紀事錄》佚亡，

2 見《明史例傳》同上揭頁 636；姚廣孝等監修：《明太祖實錄》卷 245，（臺北：中央研究院歷史語言研究所校印，1961），頁 3562-66。

3 今本俞本《紀事錄》由天啓張大同改編，易題《明興野記》，見下註。俞本生平及《紀事錄》內容略見下卷末端倖存之自述殘篇：「予自冠年，從事行伍，御衛大駕，今逾耳順矣。自元之辛卯（1351），至大明之丁丑（1397），四十七年之間，歷觀興亡成敗，如一夢耳。凡將相陞黜，華夷順逆，本末頗記，萬…（下闕）。」敘事雖止於洪武 30 年，但隨後記言「永樂即位矣」，可見其書成於永樂元年（1402）後。由此推斷，若以俞本之冠年（二十歲）為辛卯算，本當生於 1331，《紀事錄》成書時年已七十有一，諒於永樂初年仍存。錢謙益編纂《國初群雄事略》經過略見其書〈序〉，收入《牧齋初學集》（《四部叢刊》本）卷 28，頁 2 下-4 上。是書有中華 1982 年張德信等點校本，參考朱鴻林：〈錢謙益《國初群雄事略》撰作經過與成書年代推考〉，《明清史集刊》，1（香港大學中文系，1985），頁 77-103；蔡美彪：〈錢謙益《群雄事略》沈抄張爾田藏本及章鈺藏本書後〉，《中華文史論叢》，1987：1（上海：中國古籍出版社），頁 283-95。《紀事錄》之燬於絳雲樓火見錢謙益〈復吳江，潘力田書〉：「俞本《紀錄》作絳雲灰燼」（答覆前者借書之請），收入《牧齋有學集》（《叢刊》本），卷 39，頁 15 下。

4 見《國立中央圖書館善本書目》（臺北：國立中央圖書館，1986），頁 153：「《明興野記》二卷二冊，明俞本撰，張大同刪定」。是書簡略介紹見 Edward L. Dreyer, "The Chi-shih-lu of Yü Pen: A Note on the Sources for the Founding of the Ming Dynasty," *Journal of Asian Studies*, 31:4 (Aug.1972), pp. 901-904。

所據止於《群雄事略》，茲以寧正爲例，取其《實錄》〈本傳〉爲底稿，綴輯《實錄》其他有關史料並與《紀事錄》參校，考覈補充寧氏傳記，舉一反三，庶幾有助於明初人物史事之研究。

寧正事蹟

(一)洪武二十九年三月)是月，右軍都督府左都督寧正卒。正，字正卿，鳳陽壽州人，少爲里中韋德成養子。元末德成率鄉兵從上克滁、和二州，遂渡江，克太平、建康，進兵擊宣州，正與有功。德成戰歿，詔贈昭勇大將軍、中翼元帥府副元帥，京兆郡侯，以正襲職，代領其眾。⁵

按此傳記(下稱〈本傳〉)係採自《太祖實錄》纂修官所蒐錄之寧正行實，正卒時之職銜，據《明史》〈職官五〉爲正二品武官。⁶〈本傳〉無載韋德成事蹟，僅言正爲其養子，並未言正因從其姓，至洪武9年10月始復姓寧氏(見後)。按《實錄》，朱元璋於至正12年壬辰(1352)閏3月，至濠州從郭子興(1355卒)誓師討伐蒙元，翌年(13年癸巳〔1353〕)7月略滁州。⁷談遷(1594-1658)《國權》繫其事於14年甲午(1354)2月癸亥；《明史》〈太祖一〉紀於13年，惟未注明何月；畢沅(1730-97)《續資治通鑑》仍從《實錄》，夏燮《明通鑑》則繫之於14年7月。⁸又同《實錄》，15年乙未(1355)正月戊午元璋取和州，六月乙卯率諸將渡江，隨拔太平；翌年(16年丙申〔1356〕)3月庚寅入集慶(古稱建康，更名應天府)，17年丁酉(1357)4月丁卯取寧國路。⁹至正21年辛丑(1361)4月改寧國路爲宣城府，26年丙午(1366)正月再改稱宣州府。¹⁰〈本傳〉言德成率鄉兵隨從征討，甚有功勳，歿後詔贈昭勇大將軍(正三品)¹¹、中

5 《太祖實錄》(以下簡稱「實錄」)卷245，頁3562-63。

6 《明史》卷76，頁1856

7 《實錄》卷1，頁5、12。

8 見談遷：《國權》卷1(北京：古籍出版社，1958)，頁264；《明史》卷1，頁3；畢沅：《續資治通》(中華，1957)，卷211，頁5759；夏燮：《明通鑑》(中華，1959)，前編卷1，頁8。按諸各書記載及考證，朱元璋克滁州應在至正十四年春夏間。參見孫正容：《朱元璋繫年要錄》(杭州：浙江人民出版社1983)，頁35。

9 《實錄》卷2，頁20；卷3，頁31-32；卷4，頁41；卷5，52。

10 《明史》卷40〈地理志一〉，頁927。

11 《明史》卷72〈職官一〉，頁1751。

翼元帥府副元帥、京兆郡侯，以正襲職。按《明太祖實錄》卷245〈校勘記〉引陳璉(1370-1454)《琴軒集》卷8〈故南海衛指揮使韋公墓碑銘〉，記其贈官作「中翼元帥府左副元帥」，《實錄》疑脫「左」字。此為韋德成孫韋賢(1383-1432)墓碑銘，開端略記其祖之事蹟云：「公諱賢，字思齊，姓韋氏，世為鳳陽臨淮人。…祖諱德成，終左副元帥，追贈京兆郡侯。…當元之季，群雄蠭起，郡侯為萬戶，從太祖高皇帝渡江。歲丙申，以功陞右副元帥，征宣州，歿於陣。」¹²《實錄》及〈墓碑銘〉缺略之韋德成事蹟，可由俞本《紀事錄》補充。是篇至正16年7月言：「韋德成、邵肆領兵攻宣州，不克，韋德成溺死，邵肆陣亡。大軍回廣德，塑德成及肆像於(晉忠臣)卞壺廟祀之。」¹³由此可知德成陣亡情況。《紀事錄》至正17年3月又言：「故元帥韋德成妻美，上(朱元璋)令移居後庭，通而生子，名曰朱生。或諫曰：『故將之妻，不可納。』遂於本婦配總管胡汝，名朱生隨母往焉。以德成義子韋正襲為元帥，仍領其眾。」¹⁴此處喻指朱元璋曾與韋德成之遺孀私通生子，或因此關係命其義子襲職，仍領其眾。俞本直書不為人主諱，蓋因其曾為韋正下屬，受恩深重。此見編者張大同對是則評語：「我太祖才匹漢高，德邁文王，湯武以後，一人而已。俞本載韋德成妻之事，何足為聖德累。蓋本隸韋正部下，受恩頗深，正乃德成義子，本直書不諱。」¹⁵按韋正之職銜不甚高，此處謂其襲為元帥恐有錯誤。

(二)從徐達克常州，進階懷遠將軍。攻下宣州，江陰。戊戌，從上取婺州，又從常遇春克衢州，從上克江州，改授民兵千戶。破陳友諒於鄱陽湖，調天策衛千戶。又改雄武衛千戶，從傅友德守徐州，與李二等戰有功。吳元年，擢鳳翔衛指揮副使。¹⁶

據《實錄》，徐達是時以大將軍率師征討張士誠(1321-67)，於至正17年丁酉三月壬午克常州，¹⁷「懷遠將軍」為從三品，¹⁸韋正獲此殊榮定於是役有

12 見《明太祖實錄校勘記》，卷245（臺北，1968），頁782；陳璉：《琴軒集》（《聚德堂叢書》本，1930）卷8，頁37上。

13 《紀事錄》卷上，頁7下。

14 《紀事錄》卷上，頁10上。

15 同註14。

16 同註5，頁3563。

17 《實錄》卷5，頁51。

18 《明史》〈職官一〉，卷72，頁1751。

功。下宣州(原稱寧國路)、江陰係在同年4月丁卯、6月己未；前者係朱元璋親自督師，後者則由長春樞密分院判官趙繼祖等統軍。¹⁹朱元璋同時攻略元軍鎮守州府，取婺州係在18年戊戌(1358)11月甲子；²⁰常遇春則於翌年〔19年己亥(1359)〕9月丁未克衢州。²¹朱元璋隨於21年辛丑(1361)8月庚寅，親帥舟師伐陳友諒(1320/21-63)，大敗之於江州，²²而正由是改授民兵千戶。破陳友諒於鄱陽湖，係指23年癸卯(1363)朱元璋與友諒作決死戰事，《實錄》及《紀事錄》記敘甚詳。是役自4月壬戌始，雙方對壘江上，水陸並舉，火石兼施，戰況之烈空前，結果8月壬戌陳友諒於涇江中流矢死，其軍遂潰，降者甚眾。²³明年〔24年甲辰(1364)〕2月辛亥，元璋攻陷武昌，執友諒子陳理及其官屬，陳氏遂亡。²⁴韋正隨調天策衛千戶，《實錄》繫天策衛設置於是年3月庚午，為17衛親軍指揮使司之一，²⁵則正之調職應在此時。按《紀事錄》，傅友德係於26年丙午(1366)6月以雄武衛指揮使守徐州，²⁶韋正之調往雄武衛殆在此一二年間，由是與傅友德建立關係。據《實錄》，與元將擴廓帖木兒(1375卒)、李二等戰爭係在吳元年〔至正27年(1367)〕2月丁未。擴廓帖木兒漢名王保保，為元順帝妥懽帖睦爾(在位1333-70)手下最饒勇之大將，元廷視之為繫蒙古之存亡。記云：「元將擴廓帖木兒遣左丞李二侵徐州，…指揮傅友德禦之，…率兵二千餘，…開門出兵陳城外，…生擒李二及其將士二百七十人，獲馬五百餘疋。」²⁷韋正因功擢陞事見《實錄》是年9月甲戌：「陞雄武衛千戶韋正為鳳翔衛指揮副使。」²⁸

(三)從徐達平中原，取沂、莒、密三州，克益都、濟南、東昌，轉下汴梁、河南、嵩州。渡河取磁州、廣平、通州，進克元都，招降平章謝雪兒等八十餘人，獲馬五百

19 《實錄》卷5，頁52、55。

20 《實錄》卷6，頁70。

21 《實錄》卷7，頁87。

22 《實錄》卷9，頁117-9。

23 《實錄》卷12-13，頁151-66。

24 《實錄》卷14，頁177-9。

25 《實錄》卷14，頁185。

26 《紀事錄》卷上，頁30下。

27 《實錄》卷22，頁318。

28 《實錄》卷25，頁361。

餘匹。略永平，擒元將平章高家奴。²⁹

按《實錄》，吳元年10月甲子朱元璋命丞相徐達爲征虜大將軍，常遇春爲副將軍，率甲士二十五萬，由淮入河北直搗元廷巢穴。³⁰11月壬子取沂州，甲午莒州守臣來歸款；³¹同月辛丑又克益都；³²12月己酉下濟南，辛亥密州守將邵禮詣徐達降。³³洪武元年(1368)2月癸丑，常遇春自濟南克東昌，³⁴同年3月己亥徐達等徇汴梁，隨於戊申下河南，同月壬子常遇春略嵩州，戊午馮宗異(勝)陷陝州，甲子入潼關。³⁵《紀事錄》述其事於4月28日，言傅友德「調鳳翔衛指揮副使韋正攻白馬寨，僧右丞率眾降，…遂圍神頂寨；鐵頭張知院拒險不克，至七月…七日，張知院降。」³⁶《實錄》則繫於5月戊辰，略言：「參政傅友德克神頂寨，元守將張知院等以其眾降。」³⁷閏7月庚子，徐達率師發汴梁徇取河北，韋正亦隨從，乙巳師至磁州，丁未取廣平，丙寅入通州，是夜三鼓，元順帝及其后妃太子開建德門北走，閱五日明軍入大都，元亡。8月庚午，徐達部將入都城，執元監國、太尉中書左丞相、平章、右丞、御史中丞等戮之，並封府庫及圖籍寶物，又禁士卒侵暴，人民皆安堵，市肆不易。³⁸《本傳》言「招降平章謝雪兒等八十餘人」云云未悉所指。《紀事錄》是年10月記韋正等奉命抄藉故元府庫：「差金吾、羽林、鳳翔、天策等衛指揮張煥、韋正等抄藉府庫、得金二十五萬兩、銀五十萬兩、寶玩珠翠、象牙奇禽異獸、錦繡衣襖段疋不可勝紀。」⁴⁰此條他處未見，彌足珍貴。同年9月戊申，都督同知張興祖率師略永平。⁴¹韋正擒元將平章高家奴事詳

29 同註5，頁3563。

30 《實錄》卷26，頁395。

31 《實錄》卷27，頁410、415。

32 《實錄》卷27，頁418。

33 《實錄》卷28上，頁427、428。

34 《實錄》卷30，頁526。

35 《實錄》卷30，頁540、548、551、553、557。

36 《紀事錄》卷下，頁3下。

37 《實錄》卷32，頁568。

38 《實錄》卷33，頁579、580、595。

39 《實錄》卷34，頁600。

40 《紀事錄》卷下，頁5下。

41 《實錄》卷35，頁628。

見《紀事錄》9月下：「薛右丞(顯)領兵克永平，至沙河，元丞相也速領番漢騎士萬眾迎敵，大戰。鳳翔衛指揮韋正擒平章高家奴，殺擄其眾，克其城，也速僅免遁去。」⁴²據此，領兵克永平者為右丞薛顯。

④下真定，平太原、平陽，自河中府渡河，追元將孔興等。進取塵(應作「鹿」)臺，攻鳳翔，逐李思齊，遂下鞏昌。克平涼，至定西、六盤，招降元知院毛翔，下臨洮。徐達令正招撫土豪趙脫兒、孫平章等，及馬鞍山以西諸土酋。⁴³

據《實錄》，洪武元年10月己巳常遇春率師克真定，⁴⁴而11月乙卯徐達「令指揮韋正守真定營壘」，⁴⁵隨於12月丁卯陷太原，擴廓帖木兒宵遁，馮宗異(勝)則於甲戌取平陽。⁴⁶2年(1369)2月辛卯，徐達師自平陽次河中，遣指揮造浮橋，從常遇春、馮宗異渡可趨陝西追逐元軍。⁴⁷3月乙未，達率軍自蒲州渡河，⁴⁸庚子師至鹿臺遂入奉元路，元行省平章李思齊(1323-74)副將遁去。⁴⁹《實錄》是日載：「初，元行省平章李思齊據鳳翔，副將…張思道與孔興、脫列伯…等駐鹿臺以衛奉元，及聞大兵入關，思道等先三日…遁去。」丙午，常遇春等率師至鳳翔，李思齊懼，領所部十餘萬西奔臨洮。⁵⁰4月丙寅，徐達至鳳翔，丁卯師度隴州，庚午至秦州馬跑泉，元守將遁去。⁵¹乙亥下鞏昌，平章梁子中等投誠；丁丑馮宗異師至臨洮，李思齊出降，遂遣人送往大將軍營。⁵²徐達聞捷，即令韋正與降將趙琦等鎮守，又隨立臨洮衛。《實錄》同日記：「大將軍徐達遣指揮韋正及趙琦、司馬來與朵兒只吉等守之。琦、狄道人，一名脫脫帖木兒，時呼為趙脫兒，世為元土官云。」乙酉徐達師至靖寧州，故元知院杜伯卜哈遁去。明日師度六盤山，至開城，諜報故元

42 《紀事錄》卷下，頁5上-5下。

43 同註5，頁3563。

44 《實錄》卷35，頁631。

45 《實錄》卷36上，頁670。

46 《實錄》卷37，頁707、743。

47 《實錄》卷39，頁798。

48 《實錄》卷40，頁801。

49 《實錄》卷40，頁807。

50 《實錄》卷40，頁808、810。

51 《實錄》卷41，頁815-817。

52 《實錄》卷41，頁820、821。

豫王駐西安州，遂令右丞薛顯將兵追襲，豫王遁去，獲其人口頭目車輛而還。⁵³5月徐達師還至紅城，薛顯以所獲王保保(擴廓帖木兒)部將毛祥(按即〈本傳〉之毛翔)、及知院尹鐸、李遵正等並馬2000餘匹。丁酉徐達師出蕭關，遂下平涼。⁵⁴〈本傳〉所記韋正隨徐達從征時日點有倒置，應以《實錄》校正。

《紀事錄》敘徐達大軍克臨洮與平涼較詳細，可資補充，但日期有差異。其記臨洮之降繫於4月12日：「達遣大都督馮勝，追(李)思齊至臨洮，土官平章趙脫兒狹思齊出城降，達以金吾衛指揮潘彝守之。…上欲懷遠人，授思齊爲平章，…脫兒爲洮臨衛指揮僉事。」⁵⁵按趙脫兒前揭《實錄》洪武2年4月丁丑言其爲李思齊養子，名琦，早名脫脫帖木兒，時呼爲趙脫兒，世爲元土官云。《紀事錄》述徐達克平涼則繫於6月下：「克平涼，元豫王、西安王遁去。克延安、綏德、獲李景昌軍士家屬二萬餘人。達令鳳翔指揮副使韋正押送河南省，時遇酷暑，水竭，餓饑載道，死者過半。」⁵⁶豫王爲阿剌忒納失里，西安王爲其弟答兒麻，俱於至正13年(1353)受封。徐達遣韋正守衛臨洮係替代非材之潘彝，《紀事錄》6月下詳記其事：「達、遇春議(潘)彝非守城材，遣鳳翔衛指揮韋正領全衛馬步兵，詣臨洮代之。彝苛刻，貪賄嗜殺，臨洮內外軍民遠遁。間有附者，彝嗔來遲，即凌遲之。自4月至9月，無一人降者。時有河西戎警至城下標掠，達知之，遂有此代。正至臨洮，盡收刑具於市中焚之，遠近聞正代彝，漸有降者。正給以衣糧，遠者遣人賫御榜以招之，遠居土穴者撫之，再四負固者，率壯士掘出之，亦不加刑。…四山潛伏軍民，自此聞風相率而至者無虛日，土著士卒來降悉置之左右，訪其地里人情，此地遂安。」⁵⁷由此可見韋正才幹與徐達倚重之緣由。

按《實錄》2年6月甲子，寧州父老詣徐達降，遣指揮吳宏往撫諭，並招徠邠州等處；乙酉，參政傅友德移兵會慶陽城下。⁵⁸7月辛亥，王保保將韓扎兒攻破原州，指揮陳壽俱陷歿。徐達聞報遣右丞徐禮將兵鎮守，又遣指揮葉

53 《實錄》卷41，頁823、824。

54 《實錄》卷42，頁827。

55 《紀事錄》卷下，頁9上。

56 《紀事錄》卷下，頁9下。

57 《紀事錄》卷下，頁10下。

58 《實錄》卷43，頁843、848。

谷(國)珍守彭原，調韋正守邠州。8月戊寅，徐達督諸軍攻慶陽，癸未克之，⁵⁹至9月壬辰，師至平涼，又以韋正守臨洮。⁶⁰同月乙卯，河西番兵寇臨洮屯於洮河原，韋正率兵禦之。《實錄》載錄一則近乎神話之奇蹟，記言：「時河水未冰，師不得濟，正焚香祝曰：『正仗國家盛德，鎮撫一方，將以休養生民，今賊在邇而不得擊，何以報國家。天意使賊平，則令河冰。』未幾，有冰如巨屋自上流而下，風隨之河冰遂合，正即率兵直擣虜營。虜大驚，以爲神，俱投戈請降。正之守臨洮也，善於招徠。時土酋趙琦弟同知趙三及孫平章、祁院使等皆先後來歸。正悉與衣冠，厚遺而遣之，自是諸部土官相率來降。」⁶¹韋正祝禱河水凝冰，因得渡江滅番兵又見《紀事錄》11月下。說云：「河西番兵集於西岸，欲出兵追之，洮水歸槽，深不可渡。韋正乃仰天拜祝，須臾，有一巨水筏自上流而下，直至其處，堅凍不動。正令兵布沙土而渡，大敗鎖南之兵，擒者縱之，兵還而冰復解矣。若非天佑，何以致此。」又言：「臨洮地寒，上遣使督運戰衣綿布、綿花給賜軍士，賜韋正御衣一領，御酒二樽以勞之。正令千百戶、鎮撫共飲其酒，下詔諭之，略曰：『廣牧牛隻，以備來春耕種，遐邇之民，無不畏威懷德矣。』」⁶²前所記韋正祝禱應驗與《實錄》略異，然後節記正因平西番獲賞則不見《實錄》，足以補史之闕。

(四)洪武三年五月，從鄧愈克河州，留正鎮守，時元鎮西武靖王卜納刺等諸酋長擁兵猶眾，正遣兵追之於寧河，殺獲頗多，於是沙家失理與諸酋長遣人來請降。正即策馬往諭之，酋長皆感悅，獻其全部軍馬及元所授金玉、印章、金牌。宣命擢臨洮衛世襲指揮同知，又招降元宣政院使何鎖南等。尋置河州衛，以正爲指揮使，招徠撒里畏吾兒，安定王卜煙帖木兒等，暨土番朵甘灌頂國師。烏斯藏諸部奉表朝貢。⁶³

據《實錄》3年(1370)5月己丑：「大將軍徐達分遣左副將軍鄧愈招諭吐蕃而自取興元」，⁶⁴此爲鄧愈出征吐蕃之始。其克河州則繫於辛亥：「左副

59 《實錄》卷43，頁854、867-8。

60 《實錄》卷45，頁877。

61 《實錄》卷45，頁904-5。

62 《紀事錄》卷下，頁11下。

63 同註5，頁3563-64。

64 《實錄》卷52，頁1011。

將軍鄧愈自臨洮住克河州，遣人招諭吐蕃諸酋」，⁶⁵但未言命韋正為留守。韋正奉諭招降武靖王卜納刺、元宣政院使何鎖南《實錄》記載甚簡略，但於是年6月末段云：「是月，…故元陝西行省吐蕃宣慰使何鎖南等，以元所授金銀牌印宣勅詣左副將軍鄧愈軍門降。及鎮西武靖王卜納刺亦以吐蕃諸部來降。先是，命陝西行省員外郎許允德招諭吐蕃十八族大石門、鐵城、洮州、岷州等處，至是何鎖南普等來降。」⁶⁶此處並無提及韋正銜命招降事，但歸功於陝西行省員外郎許允德。

韋正擢臨洮衛世襲指揮、及出任河州衛指揮使《實錄》無載，僅記其以後者身份執行以綿布、茶易粟之買賣政策。此見3年9月甲寅：「河州衛指揮韋正言：『西邊軍糧，民間轉輸甚勞，而綿布及茶可以易粟，今綿布以輓運將至，乞併運茶給各衛軍士令其自相貿易，庶省西民之勞。』詔從其言。正初至河州，時城邑空虛，人骨山積，將士見之，咸欲棄去。正語之曰：『正受命同若等，出鎮邊陲以拒戎狄，當不避艱險致死命以報國恩。今既至此，無故棄去，一旦戎狄寇邊，其誰禦之，民被其害，則吾與若等，死亡無地，雖妻孥不得相保，與其死於國法，無寧死於王事乎？』於是眾感激曰：『願如公命！』正日夜撫循其民，俾各安其居，河州遂為樂土。」⁶⁷此處敘述經營河州政績為一重要文獻，他書無載，甚有價值。同年11月丙申，朝廷賞賜陝西蘭州等處守禦將士，以指揮王子明、韋正等備禦臨洮城有方，攻勦賊類，威鎮西陲，人賞文綺帛八疋，千戶衛鎮撫以下有差。⁶⁸4年(1371)11月丁丑，吐蕃必里萬戶府朵兒只星吉來降於河州衛，韋正因遣送至京，隨置必里千戶所，屬河州衛。《實錄》是日云：「置必里千戶所，屬河州衛，以朵兒只星吉為世襲千戶。必里在吐蕃朵甘思界，故元設必里萬戶府，朵兒只星吉為萬戶，至是來降。河州衛指揮使韋正遣送至京，故有是命。」⁶⁹

《實錄》以上各條頗資印證〈本傳〉記載，但仍嫌簡略，需從《紀事錄》補充。按《紀事錄》、將(何)鎖南受降、及卜納刺歸順分為二事，先於3年

65 《實錄》卷 52，頁 1027。

66 《實錄》卷 53，頁 1056-57。

67 《實錄》卷 56，頁 1098-99。

68 《實錄》卷 58，頁 1136。

69 《實錄》卷 69，頁 1292。

4月敘鎖南，然後於10月記卜納刺，時間與《實錄》倒置。所記(何)鎖南受降云：「土番宣政院使鎖南，領洮州…等十八族六元帥府大小頭目，賚所授元宣敕金銀牌面銀銅印信，親詣(鄧)愈前降，愈悉納之，具名聞。上以鎖南爲河州衛指揮同知，以其弟汪家奴爲河州衛指揮僉事。」⁷⁰其記韋正征伐卜納刺及勸諭求降尤爲詳贍，堪稱一時實錄。

《紀事錄》先敘鄧愈與韋正籌糧進襲卜納刺，由參政朱亮祖(1380卒)率領，時爲3年4月後。記言：「河州糧乏，愈與韋正議集鎖南等，勸獎六千戶軍民，家輸納米麥6000石以濟家需。愈遣參政朱亮祖等領兵追襲，鎮西武靖王卜納刺，院使馬迷行至乞台山。…比至土魯干河，山水泛漲，深急不能渡，軍士無糧，饑甚。時6月24日夜，雪雨大作，…士卒俱穿夏布衣袴，未賚餼糧，饑寒特甚。亮祖遣人謂正曰：『士卒饑寒將死，公當救之。』正即令鞏昌、臨洮二衛旗軍以羶衫熱食濟之，次日遂回。…」⁷¹又續記河州衛軍士饑甚，遁亡者眾，韋正恩威並施，顧全大局。同年7月下云：「河州軍士饑甚，夜逾城而遁者七百餘人。是夜三鼓，…集旗軍於門下，…正揚言曰：『聖天子養吾等數十年，托守邊城，汝等不受暫時饑寒，吾自武安州與汝等敗元遊兵，擒李二左丞，曾蒙主上重賞，汝等思歸，我當獨守此土，以待轉運。』遂泣拜入內，將士感泣，令各百戶具所處士卒名數，遣人於臨洮、結河二橋，凡見逃者，即以正語告之，聞者復回。民間訛言，官軍某月某日棄城去矣，人心不安，正即遣軍占荒田屯牧，民心遂安。」⁷²足見韋正之規畫才幹與御兵有方。

關於武靖王卜納刺投降事，《紀事錄》是年十月敘述甚詳。記云：「武靖王卜納刺、院使馬迷率番將士三十餘眾及家屬萬人，至答失蠻溝下營。遣人至河州，謂韋正曰：『我等胡人，畏威不敢造次近城。韋相公若到營中，同飲金酒，即降。若不來，我等即回。』正謂俞本曰：『我不造營，納其降，彼兵遠來，饑甚，必大掠良民而歸，雖無大害，恐煩上慮，托聖天子洪福，去必無虞。…』四鼓遂行，布馬步於兩翼，親率驍士百餘騎，直造虜營。

70 《紀事錄》卷下，頁13下-14上。

71 《紀事錄》卷下，頁14上-14下。

72 《紀事錄》卷下，頁15上-15下。

相去百餘步，令騎士下馬，俱止此地，僅與俞本數騎至營。卜納刺、馬迷迎之，互拜畢，共坐帳中，大小頭目羅拜於前。正諭以天道人事。西番俗例以金磨酒共飲爲誓，設大牢宴之，至酉而回。次日，卜納刺、馬迷領部下大小番酋所授元朝金銀銅印，金銀牌面、宣敕，及金玉圖書曰：『此王者所執信物也。』具省院官員姓名、番軍人數目，率家屬於城東駐劄十營，具本奏聞。上於河州設武靖衛，以卜納刺爲指揮同知，馬迷爲指揮僉事。…」⁷³

《紀事錄》4年正月又記載韋正招撫西番諸酋：「西寧州地名鎖罕秃朵只巴，岐王遣元參政阿失寧至河州降。韋正令鎮撫張護神奴遣書及御榜往諭之。朵只巴雖奉書，而時遣人通吾其家，無歸心。」⁷⁴岐王爲鎖南管卜，元泰定帝泰定4年(1327)受封。2月下續言：「是月，…韋正遣人招撫山後好來、阿仁、刺哥、美吉、朵的、雲都、亦思麻因等七站人民，併下缺軍總旗仲興等七人。委監站掌印，以土官爲副，共牧人民。」⁷⁵12月下又言：「韋正遣人諭朵只巴曰：『元朝皇帝海外，中原天下盡歸。天朝昔頒詔旨，略曰：「胡君遠遁沙漠，皇子愛猷失里答刺若能審議天命，啣璧來歸，待以殊禮。」量汝有多少氣力，若做一家，上必任以重職。汝既年老，恣擇更利，草地處之，汝當靜思之。』朵只巴遂貴姪朵失結至河州奉表朝覲，上授朵失結爲河州衛指揮僉事，頒以金簡誥命。」⁷⁶以上所載，補充《實錄》殊多，可見《紀事錄》之史料價值。

（六）七年，改置西安行都指揮使司於河州，以正爲都指揮使，進階驃騎將軍，提調朵甘、烏思藏都衛。正又招降元右丞朵兒只失結等，奏置西寧等衛。八年，改西安行都指揮使司爲陝西行都指揮使司，正仍爲都指揮使。九年十月，復姓寧氏，進階龍虎將軍。會川藏戎爲盜，命衛國公鄧愈討之，正從征有功。⁷⁷

按《實錄》洪武7年(1374)7月己卯：「詔置西安行都指揮使司於河州，陞河州衛指揮司韋正爲都指揮使，總轄河州、朵甘、烏思藏三衛。」⁷⁸此處

73 《紀事錄》卷下，頁 16 上-17 上。

74 《紀事錄》卷下，頁 18 上。

75 《紀事錄》卷下，頁 18 下。

76 《紀事錄》卷下，頁 19 下。

77 同註 5，頁 3564。

78 《實錄》卷 91，頁 1595。

未言其進階驃騎將軍(正二品)⁷⁹，但其總轄朵甘、烏思藏諸衛，則與〈本傳〉膾合。同年8月乙卯，增列侯等官祿秩，韋正以西安行都指揮使得千五百石。⁸⁰〈本傳〉同年條言「正又招降元右丞朵兒只失結等，奏置西寧等衛」，按《實錄》繫於6年(1373)正月己未：「置西寧衛，以朵兒只失結為指揮僉事。朵兒只失結西寧人，仕元為甘肅行省右丞。初。王師下關、陝，與太尉朵兒只班在青海，朵兒只班遣其來朝進馬，上賜以襲衣文綺，令其招諭其部曲。朵兒只班不奉詔，遁甘肅，朵兒只失結自率所部二千餘人還西寧，遣弟齋齊答等赴京言朵兒班不奉詔之故。及宋國公馮勝總兵征甘肅，遂以所部從行，勝乃命朵兒只失吉同指揮徐景追襲朵兒只班，獲其金銀印及軍士馬匹，遣其弟答克麻送京師，至是立西寧衛。」⁸¹此處敘事甚詳，然並未語及韋正招降朵兒只失結之功。

韋正改陝西都指揮使見《實錄》8年(1375)11月癸丑：「以在外各處所設都衛並改為都指揮使司，…西安都衛為陝西指揮使司。」⁸²復姓事見《實錄》9年(1376)4月己酉：「河州衛都指揮使寧正守邊有功，上賜璽書勞之曰：『卿守西疆今已九年，恩威遠播於戎羌，號令嚴明於壯士，忠心昭著於朝野，朕甚嘉焉。時當初夏，特遣人往勞，卿宜慎撫邊戎，晨昏毋怠。正初冒姓韋，至是命復本姓。』」⁸³〈本傳〉繫其事於9年10月，又言復姓後進階龍虎將軍(正二品，見《明史》同上條)，時間及內容稍異。《實錄》隨即以寧正之名記其行事，如同年8月末言：「西番土官朵兒只巴叛，率眾寇罕東，河州衛指揮使寧正率兵擊走之，追至西海北山口而還。」⁸⁴但上兩則仍沿用正舊職銜，不悟前年已擢陞陝西都指揮使。

據《實錄》，鄧愈於10年(1377)4月戊申奉命與沐英為正副征西將軍，率師討吐蕃，肇因為所部川藏邀殺使者鞏哥鎖南等謀亂。⁸⁵5月辛丑，大捷師還

79 《明史》〈職官一〉卷 72，頁 1751。

80 《實錄》卷 92，頁 1616。

81 《實錄》卷 78，頁 1430。

82 《實錄》卷 101，頁 1711。

83 《實錄》卷 105，頁 1762。

84 《實錄》卷 108，頁 1802。

85 《實錄》卷 111，頁 1851。

，《實錄》記：「征西將軍鄧愈兵至吐蕃，攻敗川藏之眾，追至崑崙山，斬首甚眾，獲馬牛羊十餘萬，遂遣涼州等衛將士分戍碾北等處而還。」⁸⁶不過此處並無記載寧正從征，需從《紀事錄》補苴。後者繫韋正從鄧愈、沐英討川藏戎於前年(9年)5月言：「衛國公鄧愈、西平(應作「平西」)侯沐英、南熊(應作「南雄」)侯趙庸，上授以征西將軍印劍，伐川藏，以都指揮使韋正為前鋒，直抵崑崙山，屠西番，獲牛羊馬匹數10萬以歸。遂於崑崙崖石間，刻〔征西將軍鄧愈總兵至此〕，繪其地里進上。」同年12月又記：「上遣中書舍人張道寧宣韋正至京，詢西征事於玄清宮，賜宴。次日，宣正於寢殿，朝皇后馬氏，賜以巨珠耳墜，又降敕曹國公李文忠宴於私室。越三日，□於奉天門，上賜以龍衣令歸。添設河州左衛。」⁸⁷於此可見寧正之勳績及恩賜獎賞之隆厚，不過，《紀事錄》紀年與《實錄》相差一載，而亦無言及復姓事，凡紀事皆用韋正姓名，至十五年始見寧正之名，殊為失誤。

(十)十一年，西平侯沐英征西番，遣正追襲叛虜朵兒只巴，獲其羊馬輜重而還。十二年，兼領寧夏衛事，至則修築漢唐舊渠，令軍士屯田，引河水灌田數萬餘頃，兵食以足。十三年，從西平侯沐英征北，至和林，擒元平章脫火赤，知院愛足部眾萬餘人。十四年，從西平侯經略公主山寨，殲其戍卒，取全寧四部。十五年，除四川都指揮使。會河西土官，故元左丞刺瓦蒙、藏卜等來降，唯松、茂等州西羌未附，正調兵討之，擒賊首楊知府。⁸⁸

按〈本傳〉記沐英征西番，當係前揭《實錄》10年4月載鄧愈與沐英率師討吐蕃之連續，其事件至11年(1378)11月始結束。《實錄》同年月庚午記太祖自為文告祭嶽瀆山川諸神曰：「曩者兵爭日久，老幼顛連，少壯奔逼，其苦甚矣。…上帝好生，於是命予平禍亂。…今者禍亂已平十有一年矣，惟西戎密邇邊陲，歲常肆侮，特命西平侯沐英，都督僉事藍玉、王弼等率兵致討，惟神有靈，尚克相之。」⁸⁹寧正奉命進襲朵兒只把則未見記載。《紀事錄》於是年6月下有言：「歸德州西番土人汝奴叛遁亦哱地方。宋國公馮勝遣人於韋正處索馬。正不與，勝憾之，於上前譖曰：『韋正不以國法為重，

86 《實錄》卷112，頁1858。

87 《紀事錄》卷下，頁29下。

88 同註5，頁3564-65。

89 《實錄》卷121，頁1960。

不善治西番，致有叛。敕遣中書舍人徐光祖賚劄諭正，赦其死，降爲歸德州守禦千戶，以陝西都指揮葉昇代鎮河州。」⁹⁰此事未見《實錄》，與官方記載亦不脗合，未悉究竟。此令是否未曾執行，因而在12年(1379)7月調陞寧夏時所提及之前任職銜仍爲河州衛千戶？

《實錄》12年7月庚戌云「陞河州衛千戶寧正爲寧夏衛指揮僉事。」⁹¹13年(1380)，寧正從沐英北征和林，見《實錄》是年2月壬申：「上以故元國公脫火赤，樞密知院愛足率眾萬餘，屯於和林，恐爲邊患，命西平侯沐英率陝西兵往討之。」⁹²大捷之報道見3月壬子：「(沐英)遂率師渡黃河，經寧夏，歷賀蘭山，涉流沙，凡七日夜至其境，去穹廬50里。分軍爲四道，至夜啣枚而進合圍之、擒脫火赤，愛足等，盡獲其部曲以歸。」⁹³兩則記事與〈本傳〉脗合，但並無提到寧正參與。寧正14年(1381)從沐英遠征沙漠禦邊見《實錄》是年4月庚午：「大將軍徐達率諸將出塞，右副將軍傅友德至北黃河，虜騎駭遽，友德選輕騎夜襲灰山，克之，獲其部落人畜甚眾。西平侯沐英等略公主山長寨，殲其戍卒，獲全寧四部以歸。」⁹⁴此處述事甚詳，可惜未語及寧正。寧正陞四川都指揮使見《實錄》15年(1382)正月戊戌：「陞…寧夏指揮僉事寧正爲四川都指揮使。」⁹⁵〈本傳〉言「會河西土官故元左丞刺瓦蒙、藏卜等來降」云云，《實錄》15年6月乙卯記：「故元四川分省左丞瓦刺蒙（前作「刺瓦蒙」）遣理問，高惟善等自西番打煎爐、長河西來朝，上故元所授銀印…」，即指「河西土官來降」事。⁹⁶又16年(1383)10月丙子云：「松、潘二州羌民作亂，四川都指揮使司發兵討平之。」⁹⁷寧正是時爲四川都指揮使，當係其發兵討平羌亂。

(八)十九年，改雲南都指揮使。二十一年，百夷據險作亂，賊將刀思郎等聚眾十餘萬，驅象百餘拒敵。正率兵從西平侯沐英進戰，斬其二將，賊眾奔潰，盡獲其象

90 《紀事錄》卷下，頁30下。

91 《實錄》卷125，頁2005。

92 《實錄》卷130，頁2060-61。

93 《實錄》卷130，頁2074。

94 《實錄》卷137，頁2162-63。

95 《實錄》卷141，頁2226。

96 《實錄》卷146，頁2291。

97 《實錄》卷157，頁2433-34。

馬。未幾，東川蠻反，而越州、龍海、廣西等寨亦據險作亂，正從西平侯沐英討平之。二十五年沐英卒，詔授正榮祿大夫、右軍都督府左都督代英鎮守。久之，命爲平羌將軍，總陝西、四川兵討階、文千戶張者之亂，平之。二十八年正月，率兵從秦王往洮州打魚溝等處，克平番寇，三月還京，至是以疾卒。上爲輟視朝一日，遣官弔祭，擢其子鷹揚衛指揮使忠爲前軍都督僉事。⁹⁸

上言19年(1386)寧正改雲南都指揮使，然《實錄》是年4月癸丑云：「命四川都指揮使寧正與指揮胡原、湯昭同署雲南都司事」，⁹⁹非爲都指揮使。實則，《實錄》20年(1387)5月庚申，記其奉諭留意百夷窺邊仍稱爲四川都指揮使。¹⁰⁰寧正使時真除雲南都司未悉，《實錄》遲至25年(1392)7月庚寅，始稱其以雲南都指揮使擢陞右軍都督府左都督，受命鎮守雲南。¹⁰¹《紀事錄》15年壬戌記：「上…以西平侯沐英爲總兵鎮雲南，調四川都指揮使寧正爲雲南都指揮使。雲南之地，叛服無常，正善撫眾，故有此調。」¹⁰²此處將任命提早數年，甚誤。21年(1388)，寧正從沐英進剿百夷酋長思倫發，《實錄》是年正月辛巳言：「百夷思倫發，誘群蠻入寇馬龍他郎甸之摩沙勒寨，西平侯沐英遣都督寧正擊破之，斬首一千五百餘級。」¹⁰³同年3月甲辰敘沐英討平思倫發云：「分軍爲三隊，都督馮誠領前隊，都督同知寧正領左隊，湯昭領右隊。…將士皆奮勇欲戰，…奮呼突陣，眾隨之無不一當百，賊眾大敗。斬首三萬餘級，俘萬餘人，象死者過半，生獲三十有七。…餘賊皆潰，…思倫發遁去…。」¹⁰⁴《實錄》是年8月壬寅又言：「西平侯沐英調都督寧正帥兵會穎國公傅友德討東川」，¹⁰⁵則是年秋寧正轉從傅友德出征東川烏蒙，芒部諸蠻並越州叛酋阿資。《實錄》22年(1389)2月末段詳述：「是月，西平侯沐英遣都督寧正從穎國公傅友德擊阿資於越州，敗之，斬其黨火頭，弄宗等五十餘人，獲馬牛羊以千計。阿資勢窮蹙，與其母請降。…」¹⁰⁶

98 同註5，頁3565-66。

99 《實錄》卷177，頁2688。

100 《實錄》卷182，頁2739。

101 《實錄》卷219，頁3215。

102 《紀事錄》卷下，頁33下。

103 《實錄》卷188，頁2812。

104 《實錄》卷189，頁2859-60。

105 《實錄》卷193，頁2893。

106 《實錄》卷195，頁2934。

據前揭《實錄》，寧正於25年7月擢陞右軍府左都督鎮守雲南，此項任命，如〈本傳〉言，係因沐英是年6月卒，¹⁰⁷亟須將才填缺。未幾，寧正被召返京師，《實錄》於數月內三次記錄其行蹤。如25年10月乙亥：「命鎮守雲南都督寧正署雲南都指揮司事…還京。」¹⁰⁸；26年(1393)正月戊申：「遣使召署雲南都指揮使右軍都督寧正還朝。」¹⁰⁹；又同年4月丙辰：「署雲南都指揮使司事右軍都督府左都督寧正至京師。」¹¹⁰朝廷何故催速寧正返京，據〈本傳〉言，係任命其為平羌將軍，統兵至陝西叛平千戶張者等叛亂。《實錄》27年(1394)8月丙戌記：「陝西階、文千戶張者等叛，命右軍都督府左都督寧正為平羌將軍，會都督僉事徐凱，率陝西成都衛兵…一萬八千餘人往討之。」¹¹¹是年底，亂平。《紀事錄》繫其事於27年10月，惟將張者書作張緒：「上遣右軍左都督寧正，授以平羌將軍印劍總兵，於十一月初十日平之。」¹¹²翌年正月，正又奉命從秦王朱棣(1356-95，太祖第二子)出征洮州平番寇。《實錄》是月丙午載：「平羌將軍右軍都督寧正討平階、文叛寇張者等，復命正以兵從秦(「王」字缺)棣征洮州等處。」¹¹³同月甲子記張者被械至京伏誅：「右軍都督寧正遣人械叛寇張者、趙原言至京伏誅。」¹¹⁴3月正還京，至是以疾卒。《實錄》無載其終壽歲數，因此未知其生卒年。子寧忠任命見《實錄》26年(1393)11月丙辰：「以右軍都督寧正子忠為鷹揚衛指揮使」與30年(1397)3月辛未：「以鷹揚衛指揮寧忠為前軍都督府都督僉事。」¹¹⁵

寧忠事蹟

寧忠出身已見《太祖實錄》，據此知其從父任軍職，洪武30年晉陞前軍

107 見《實錄》卷218，頁3205。

108 《實錄》卷222，頁3244。

109 《實錄》卷224，頁3274。

110 《實錄》卷227，頁3316。

111 《實錄》卷234，頁3416-17。

112 《紀事錄》卷下，頁41上。

113 《實錄》卷236，頁3445。

114 《實錄》卷230，頁3447。

115 《實錄》卷251，頁3365、3632。

都督府都督僉事，隨奉詔領軍從征麓川平緬宣慰使刀幹孟叛亂。《實錄》是年9月記：「戊辰，麓川平緬使司刀幹孟叛，逐其宣慰使思倫發。…乙亥，上以平羌將軍都指揮齊讓…平蠻無功，命左軍都督楊文佩征虜前將軍印為總兵官，右軍都督同知韓觀副之。…復論文等曰：『…凡用兵行師以嚴明為勝，賞罰必當功罪，然後恩威並行，人心悅服。…寧都督、湯(昭)都督嘗領兵為楚、湘二王宿衛，駐營黔陽、辰溪之地，二人亦令從征。…』」¹¹⁶寧都督當指寧忠，因其父是時已卒。不過，《實錄》同年11月癸酉，又載命西平侯沐春(1363-98)為征虜將軍，左軍都督何福為左將軍，徐凱為右將軍，率雲南四川諸衛兵往討刀幹孟。¹¹⁷翌年〔洪武31年(1398)〕5月丁未，則報道擊潰叛蠻，斬獲甚眾，然刀幹孟誕詐未降，思倫發還平緬，踰年卒。¹¹⁸(詳後揭〈徐凱傳〉)據此，寧忠或未出師，即或從征，並無功賞紀錄。¹¹⁹

建文帝繼位(1398)後，寧忠調屬長興侯耿炳文(1335?-1404)麾下，燕王朱棣「靖難」兵起，隨從炳文征戰殉難，為一「遜國」功臣。寧忠事蹟始見佚名撰《奉天靖難記》，此為記載燕王「靖難」之官方記錄。卷一元年(洪武31年)8月壬戌記忠從耿炳文鎮守真定，為燕王戰敗被擒：「(上，指燕王)至真定城二十里，…耿炳文出城來戰…上以奇兵出其背，循城夾擊，橫透賊陣，耿炳文大敗，急奔入城，軍爭門，門塞不得入，相蹈藉死者甚眾。…左副將軍駙馬都尉李堅領眾接戰，…薛祿引槊刺堅墮馬，…生擒之。右副(將)軍都督寧忠，左軍都督顧成，都指揮劉遂俱被擒，斬首三萬餘級。」¹²⁰燕王頗禮遇投降之朝廷將官，李堅、顧成、劉遂俱獲赦罪並賜爵祿，然則寧忠之下場如何？其事詳見嘉靖後面世之遜國功臣傳記彙編。

最先記述寧忠為鄭曉(1499-1566)《建文遜國臣記》卷8〈本傳〉，言曰：

寧忠累官都督，建文元年，充征虜右副將軍，與駙馬都尉李堅從大將軍至北平。8月，及靖難兵戰於真定，敗奔滹沱河。戰，又敗，與都督顧成，都指揮劉遂(一作

116 《實錄》卷 255，頁 3679-81。

117 《實錄》卷 255，頁 3688。

118 《實錄》卷 257，頁 3714。

119 寧忠傳記資料見《明人傳紀資料索引》上冊，頁 630；詳見下註 120、121、123、124。

120 見王崇武：《奉天靖難記注》(上海：商務印書館，1948)，頁 56-57。

「燧」)皆被執。忠之妻，都督徐凱女也，後與凱同死。¹²¹

此傳甚簡略，未語及死因，僅透露忠妻為都督徐凱之女，但所言「後與凱同死」含糊不清，是指其妻隨後與父母罹難，抑或與寧忠共死？徐凱亦為「遜國」功臣，《建文遜國臣記》卷4有傳，不過記事年代多誤，宜以《實錄》匡正。凱以開國功為茂州衛指揮使，後守松潘軍民司。據《太祖實錄》，洪武22年正月以戰功陞四川都指揮同知，26年4月擢中軍都督府都督僉事，仍署四川都司事，翌年8月與寧正剿平陝西階、文千戶張者等叛。30年底從西平侯沐春(1363-98)、左都督何福等往討麓川平緬叛酋刀幹孟，踰年擒幹孟以歸。建文改元(1399)後還京師，凱仍為都督。據《奉天靖難記》，是年3月從宋忠練兵臨清防範燕王，8月奉耿炳文命駐軍河間，2年(1400)10月出守滄州，與吳傑守定州、盛庸守德州為犄角，及燕王攻城，大戰落敗，與都督及將校百餘人被執。凱等投降願事新主，燕王遣至北平仍許其官祿，但傳言事後暴卒，一說在械送北平道死，未審其詳。¹²²

寧忠最翔實之傳記，見崇禎間黃士良纂《遜國神會錄》及曹參芳輯《遜國正氣紀》，兩者內容相若，後者似係沿襲前者，惟缺「贊曰：…」。茲將前者之〈寧忠傳〉抄錄如下(文內加「括號」之文字為後者之異詞)：¹²³

寧忠累官都督，建文元年(「元年」作「初」)充右副將軍，與駙馬都尉(省「都尉」)李堅，佐大將軍(省「大將軍」)耿炳文北征，駐軍真定。潘忠、楊松敗，王(按指「燕王」)至鄭州，獲降將張保。保言炳文兵13萬，半營滹沱河南，半營(補「河」字)北。燕王計欲炳文並其眾則易破，乃善撫保，遣歸，詐言兵敗被執，幸脫歸。又令言雄縣敗狀，燕兵旦夕且至，炳文聞言果移南營過河(作「炳文違信之，盡移南

121 鄭曉：《建文遜國臣記》卷8，(臺北：臺灣商務印書館影明刻本，1973)，頁2上。此書原刊於《吾學編》卷59(嘉靖45年[1566])。

122 徐凱傳見鄭曉：《建文遜國臣記》卷4，頁10下-11上。又見曹參芳：《遜國正氣紀》(楊思本評)卷6，頁18下-19上；錢士升：《皇明表忠記》卷5(崇禎刊本)，頁15下-16上。(上二書收入《明人傳記資料叢刊》第63、64冊)鄭曉謂徐凱被「遣至北平，仍其官祿，靖難後暴卒」，錢士升則言「凱及都、……都指揮、……將校百餘人皆被執，械送北平道死。」可補充徐凱事蹟之《太祖實錄》為卷195，頁2929；卷227，頁3312；卷234，頁3416；卷255，頁3688；卷256，頁3702；卷257，頁3714。又見《奉天靖難記注》，頁28、51、126。

123 見黃士良：《遜國神會錄》卷下，頁8下-9下(收入《明人傳記資料叢刊》62冊)；曹參芳：《遜國正氣紀》卷6，頁17下-18上。

營，省「過河」二字)。燕王(略「王」字)兵次無極縣，炳文軍滹沱河北，繇西門而營，直抵西山。次日，燕師(「師」作「兵」)未至真定二十里，擒樵探，知炳文惟備西北，王(略「王」字)乃率(增「輕」字)騎數千繞出城西。炳文適出(略「出」字)送使客(增「出」字)，覺兵至奔回，急趨橋，燕兵斫橋，炳文幾被擒。城中大驚，炳文乃率堅、忠出城(省「出城」)交戰。燕王與丘福以奇兵出其背，循城夾攻，橫衝其陣，炳文大敗，急奔大城。軍爭門，門塞不得進，踏藉死者甚眾。忠及都指揮劉燧(按《實錄》作「劉遂」)等皆被執，後忠與妻徐同死，徐即凱女也。

贊曰：「雄莫失守，恒滄隨棄，長子輿尸，弟子縲繫，勇怯同盡，邦家之瘁，敗則：矜，死亦其義。」

同時人錢士升纂《皇明表忠記》(崇禎11年〔1644〕序)，其〈寧忠傳〉亦據前二傳稍易數字，「贊曰」首二句則改爲：「天雄失守，恒守隨棄。」¹²⁴

上述寧忠傳記，主要取材《奉天靖難記》及《太宗實錄》等官方資料，又參考鄭曉《建文遜國臣記》，故此特別詳盡。傳末言「後忠與妻徐同死，徐即凱女也」，遠較《遜國臣記》清晰，雖未言其死因，但知夫妻同死。無論如何，寧忠與其姻親俱係盡忠王事殉難，在帝王政治與正統史觀立場，二者皆垂名當世，而忠固無愧於其名與父執之祈望也。

124 見錢士升：《皇明表忠紀》卷5，頁9下-10上。

Addenda to the Biographies of the Early Ming Commanders-in-Chief Ning Cheng and Ning Chung

Hok-lam Chan 陳學霖*

ABSTRACT

This essay is an attempt to reconstruct the biographies of the early Ming commanders-in-chief Ning Cheng 寧正 and his son Ning Chung 寧忠 through collation of the information scattered in the *Ming T'ai-tsu shih-lu* 《明太祖實錄》 and supplementation with other pertinent contemporaneous sources. The basic supplementary source for Ning Cheng is the *Chi-shih lu* 《紀事錄》, a personal reminiscences of the anti-Yuan military campaigns by Yu Pen 俞本, a junior officer under the command of Chu Yuan-chang 朱元璋, the future Ming dynastic founder. An additional source for Ning Chung, who fought for the Chien-wen 建文 Emperor against the usurpation of the Prince of Yen 燕王, the future Yung-lo 永樂 Emperor (T'ai-tsung 太宗 or Ch'eng-tsu 成祖) and mar-

tyred for the royal cause, is the biographical compendia of these loyal personages compiled at the end of the dynasty. These biographical addenda shed new light not only on the life and career of these two distinguished military commanders but also on the vicissitudes of several important military commanders but also on the vicissitudes of several important military campaigns in the early Ming dynasty.

* Professor Chan is affiliated with the Department of History at The Chinese University of Hong Kong.